

重修兩淮鹽法志

兩淮鹽法志卷十九

圖說門

儀棧  
食岸

掣驗  
宜昌

圖說

儀徵總棧圖目

十二圩總圖說

淮鹽總棧圖說

鹽浦圖說

儀河圖說

棧浦合圖說

開江圖說

淮南引地全圖說

淮南監掣同知署圖說

淮南批驗大使署圖說

儀徵十二圩沙漫洲合圖說

凡十圖

淮南掣驗圖目

江甯下關掣驗圖說

江西湖口掣驗圖說

湖北武穴掣驗圖說

大通掣驗見大通督銷總圖

凡三圖

淮南食岸圖目

江甯食岸圖說

江甘食岸圖說

凡二圖

宜昌加釐局圖目

宜昌加釐局圖說

平善壩分卡圖說


萬戶沱分卡圖說

凡三圖

共十八圖

十二圩總圖






十二圩總圖說


吳人謂隄曰圩十二圩本名普新洲民築圩而居以次第析之曰十二圩統其數也今尙有頭圩二圩諸名而亡者數圩又有所謂十三圩者蓋稍易其舊矣厥地當儀徵縣治東南十二里東北四十五里至揚州水程曲多二十里南臨大江北枕福德州隔河舊港東倚新勝條洲又東一片柴洲西接沙河又西白興洲初僅耕氓編蘆爲舍苫亦以之地勢卑下水漲常侵榻自設棧稗販逐利者日集沿江泊船處立碼頭分爲十三幫岸上縱衡設肆建公所造神祠迤邐斷續至舊港居然一小

會矣依水植楊柳荒地自生蒹葭腴壤種稻上下一碧  
風日妍娛表裏江河帆檣林繞亦一勝也前因六濠口  
江水坍隄移棧於此鹽艘聚泊始無虞焉



淮源總棧圖







淮鹽總棧圖說

儀所爲淮鹽總匯之區語具前志同治四年鹽政曾國藩改於瓜洲設棧委派大員經理商販便之九年瓜樓西北岸爲水所蓄至十一年八月岸大侈鹽皆移堆泰州十二年十月始建今棧遷焉棧在儀徵之十二圩自東門直入凡七正正各三間並左右廂凡四十間東前爲鹽捕營房在儀門外內則望江樓又內爲東花廳又內爲厨又內爲餘屋約七正正皆相隔凡東大小屋四十七間西前爲巡勇房連內六正又西前爲籌房司籌碼者居之連內六正又西五正後置更棚凡倚後者爲內

宅中除廳事外皆幕友委員及司事者居之凡西大小屋九十四間都共一百八十一間

内河图






鹽浦圖說

堆鹽之所謂之浦浦當棧前初建二倉分東西名東倉左右對立各二十間又東連五間都四十五間西倉各十三間如東式中爲中門自棧達江由之門西置倉十三間東十間都二十三間合都爲閒九十四每閒堆鹽十二層層一百二十六包凡閒堆一千五百十二包倉外廠地爲鹽堆堆鹽於地而苫覆之蓋南鹽宜堆而北鹽宜倉也東西相嚮置掣鹽廳廳各六閒捲棚六閒廂房四閒爲出入鹽時委員監稱之所中稍西構小亭前後二閒則巡浦委員辦公處也已丑冬道員馮邦棟因

倉少於西倉外增置十六間半高廣視舊是爲新倉通  
繚以垣前後爲門通出入無事則謹鐫之凡入鹽由浦  
後出由前



儀河圖






儀河圖說

初掘掣鹽在儀徵之天池疏河以達曰鹽河嗣設棧瓜洲與江濱頻遭水患同治十二年移棧十二圩凡通泰場鹽皆改運赴圩圩故有河曰內河西分二道並達儀徵縣城南與東及東北隅皆注於江道尤岐瓜蔓而綺交棧四面水相環也棧地去河差遠因稍稍開鑿之自舊港江卽舊平江閘引水過棧前至東倉後止命曰新河棧前別曰塢河都長六百四十五丈自平河閘至三汊河長六千六百五丈有奇水亦淺不足運復加疏濬謂之舊河凡費銀七萬二千餘兩顧地衍水平潮汐日盪山

沙水泥動易淤滯大漲溝一帶尤甚故每三四年須一浚焉

棧浦合圖





棧浦合圖說

圩地卑下棧居爽塏棧西北皆塘曲曲通江水前臨運河河亦通江引河過門二百步許至於東倉後乃止以便停泊鹽艘且利起運是曰塢河渡河爲新埂形陜長若一字建浦於是踰埂爲江臨江樹坊三中當中門左右當東西倉穿坊築道直入江心則以利商運入船也自江達棧中隔塢河道曲故當中門設浮橋以直之河廣二十七丈橋船六首尾銜接左右植欄船過隨時啟閉由棧度橋越埂入江一氣相屬坊若前門浦若中正規制頗壯故於浦中門之內立棋桿焉

開江圖









開江圖說

淮以南通泰各產所產曰南鹽其海州各場在淮北所產曰北鹽南鹽行鄂湘西皖四岸引地最廣近章由運商赴各岸督銷局領咨赴淮南總局挂號詳請運司轉詳鹽院既定期由總局給發買單定交來棧掣發北鹽僅行安徽之合肥巢縣舒城廬江無爲州桐城又滁州來安全椒共九屬則由皖局察看情形稟請鹽院各商先赴皖局掣籤占分口岸領咨來棧掣發春秋水盛利還開綱必以其時故有春綱秋綱之目

淮南引地全圖

第一度 第二度 第三度 第四度 第五度 第六度 第七度 第八度 第九度 第十度





度八西 度七西 度六西 度五西 度四西 度三西 度二西 度一

度七西 度六西 度五西 度四西 度三西 度二西 度一


淮南引地全圖說

淮南鹽行五省江蘇則江甯一府揚州府屬江都甘泉  
高郵寶應四州縣儀徵一縣舊無額引今亦籤商認運  
通州直隸州屬泰興一縣安徽則甯國一府和州一直  
隸州并所屬含山一縣滁州直隸州屬全椒一縣皆爲  
食岸今自同治以來甯國和州統歸皖局綱運由局發  
販行銷全椒以逼近淮北口岸故與滁州來安同以北  
鹽官運設局分銷此則因時制宜就成法而量爲變通  
者也其列綱岸者安徽則安慶一府無桐城池州一府  
太平一府江西則南昌府饒州府南康府九江府建昌


府撫州府臨江府吉安府瑞州府袁州府共十府湖北  
則武昌府漢陽府德安府黃州府安陸府襄陽府鄖陽  
府荊州府宜昌府無錫峯長樂二州縣共九府並荆門  
州一州湖南則長沙府岳州府常德府寶慶府衡州府  
無錫縣又辰州府沅州府永州府永順府共九府並澧  
州靖州二州今湖北自安陸以上爲川鹽占銷湖南自  
寶慶以下仍食川鹽鹽運所行湖北實止武昌漢陽  
德安黃州四府漢陽府止長沙岳州常德三府湖南北  
德安府之應城安陸府之天門京山又爲畫銷界之  
界湖南澧州一州又係川鹽運銷之界也今具勘於圖

俾知淮南引地今音微有不同云

淮南監掣同知署圖









淮南監掣同知署圖說

淮南監掣官設自雍正十三年僦民舍以居乾隆十七年同知李暉請以裁廢之衛署改作監掣官廨二十五年改爲實缺同知遂爲淮南監掣同知署咸豐中毀於粵寇同治十二年鹽務改道十二圩遂造今署照牆一座東西柵門南向大門三楹大堂二堂各三楹堂東前爲賓座後爲庖室住宅三楹東爲旁舍六楹後爲樓三

# 淮南批驗大使署圖






卷之三

淮南批驗大使署圖說

舊制在儀徵南門外嗣因倒塌移於察院空署辦公兵燹後焚燬無存同治十二年鹽務改道東門外十二圩掣摯遂闢監署內餘基建焉今制東向大門一楹內列照牆牆後差舍爲楹五南向大堂三楹東爲客座二堂三楹東一楹爲庖室住室後樓各三楹餘屋二楹在其東



三十一度七分



儀徵十二圩沙漫洲合圖說


淮鹽總棧於同治十二年移設儀徵十二圩對岸爲禮  
祀洲中爲夾江鹽艘停泊江干可避風濤且圩隄土性  
堅凝無坍塌之虞隄內則儀河與運河相通疏濬旣深  
駁船自場運棧往來甚便此百世之利也由十二圩沿  
岸上駛則爲泗源溝過此爲沙漫洲洲有緝私總局勦  
設於同治七年之秋由是獲私梟禽巨盜頗著成效茲  
以棧局相近合揭於圖庶易瞭然云



# 江甯下關掣驗局圖


三十四分

三



三度四分

三度



分八度二東

分八度二東


每方千里

# 江甯下關掣驗圖說


下關在江甯儀鳳門外後負獅子山前對浦口下接揚  
子上連鳩江爲通省扼要之區鄂湘西皖四岸及江甯  
食岸鹽艘罔不由此經過同治二年設立下關掣驗總  
局各岸鹽艘上駛自燕子磯入夾江停泊草鞋夾聽候  
總局派令司役按船掣驗設立大小舢板七號以資巡  
緝並於是處設立分卡另派委員督率并手划船稽查  
官民船隻與礮船互爲聲援以杜夾帶偷漏等弊庶私  
梟絕而官銷可暢焉

平度 二十九度五十分

江西湖口掣驗局圖



分十四



分十四

三度 二十九度五十五分


江西湖口掣驗圖說

九江府之湖口縣因山爲城襟江帶湖距省城三百六十里西六十里達府治東連彭澤南通德化縣之姑塘鎮北界安徽之宿松縣爲水陸四達之區晉省必由之路長江水路總鎮駐焉於同治二年設立湖口掣驗卡凡西岸引鹽統由此卡掣驗嚴查其夾私重斤等弊所以疏銷官引也


湖北武穴掣驗局圖

三十度

二十九度四十九分



度一西 分三十五西



度一西 分三十五西

三十一度

二十九度四十九分

是會




湖北武穴掣驗圖說


武穴鎮居廣濟縣之南離縣治五十里同治三年二月  
始於濱江設掣驗卡凡儀徵鹽艘開江上駛爲入楚第  
一門戶於此驗票截角誠爲扼要然是處江形如關弓  
水勢湍激鹽艘不能近岸停泊每值狂風巨浪時猶須  
冒險往查迺無偷越之虞則與金陵大通兩掣近泊夾  
江形勢殊也卡之左有分銷局設礮船巡緝兼壯聲威  
事並詳督銷門不具於圖

江甯府屬食岸圖

圖度




三十一



江甯食岸圖說

江甯一府東鄰鎮江常州之境西南接太平廣德之境  
西北界泗州滁州之境自省垣克復後戶口來歸生齒  
日繁招商認引若無東路之浙私闖入江甘之食私侵  
灌自固吾圉則亦暢銷之岸也惟逢文武鄉試之秋私  
鹽充斥莫可窮詰大爲江甯食引害然近年認銷引數  
通計以暢配滯食岸中猶稱最云






江甘食岸圖說

揚州府屬江都甘泉二縣地居南北衝要場鹽自泰壩  
運儀棧必經此二縣之境船私灑賣巡防宜密高郵寶  
應距場較近尤易透私運司於此四岸派員督銷並司  
巡緝而見行南鹽之淮北天長一岸亦令兼管故名江  
甘五岸云

度

三十四度四十七分

# 宜昌加釐局圖




西五度十分



十段

三十四分




宜昌加釐局圖說

宜昌自巫峽而來七百里危峯阻日天開一綫至南津  
關始就曠夷川蜀賈舶吳楚大艚咸萃於是抑亦荆楚  
一大都會也其地舊行淮引川鹽入境例以私論咸豐  
二年冬粵寇陷武昌淮綱不至民稍稍食川鹽三年楚  
督張亮基收鄂城以軍食無出乃行權鹽法遣官經理  
於荊州沙市設總局宜昌設分局取供餉糈綱是用兵  
益久召募益廣推行權法益加詳以川鹽出峽宜昌爲  
始境移設總局專官主權其法有鹽稅有鹽釐有陸路  
局有過江局大府遴委必擇廉慎而敏於心計者俾主


榷算緡額加增則獎擢尤優於他職於是撿括吏奸招徠川販灌輸不絕化私爲官至歲徵銀四十餘萬兩錢七十餘萬緡用以底定東南殄滅羣醜戰勝攻取士馬飽騰皆倚辦於榷鹽昔唐劉晏榷江淮鹽鐵助復兩京當時以爲不加賦而用饒今以一隅而收效若此可不謂極盛乎迨川淮並銷鄂省猶歲收川釐百四十餘萬緡光緒十一年間海防告警江督曾國荃奏增川鹽每一斤錢三文由兩淮委員經收加釐局之設自此始歲收緡錢二十萬上下

三度

# 平善壩分卡圖



平度




平善壩分卡圖說

國初查鹽卡設黑巖子雍正五年奉文移置平善壩及城外中水門二處額設巡役五十名守哨船十八隻並於宜昌鎮派撥營兵二十名協捕川私是平善壩之有鹽卡由來舊矣咸豐初年軍興借銷川鹽權稅給軍因更稽察偷漏保護川販立法益密惟三峽輳赴勢若建瓴一經泛棹瞬不及持必至此始有更生之樂古稱夷陵者謂山自此而夷也庸詎知峽門以內早有一平善壩以開之乎光緒十一年兩淮加抽川釐乃傍鄂省鹽卡添設分卡以資稽查焉


萬戶花分卡圖

二分

年度



三才圖會





萬戶沱分卡圖說

萬戶沱在巴東上十里許居民數十戶圍抱山腰川省設有鹽釐局爲由川入楚咽喉其右岸有石鼻橫出阻遏江流水旣漩湊而淵深岸亦懸削而壁立故楚中盤驗各局卡皆移設巴東以上首王家灘青竹標皆險逆急湍直至縣城水勢稍殺而停泊較易於此查驗艚口鹽包數目發給艚單以便至宜昌核對鹺商免夾私之累船主無留難之憂所以咸願出於其途也兩淮加抽川釐初議設局萬戶沱已乃仿鄂省川鹽局設於宜昌郡城而以萬戶沱爲查驗之所

兩淮鹽法志卷十九

兩淮鹽法志

卷十九

圖說門

宜昌加釐

完